

太上一乘海空智藏經卷之七

月七

太上一乘海空智藏經卷之七

月七

平等品

爾時海空智藏白天尊言是我今日以知小見若諸真人无量童子行道心時修慈悲喜得真法地修捨心時修智慧時行此功德无量劫中復得何法真人童子行此功德能如是知得何等利天尊今者如是之說祕要言語若不取著則不知法則是取著若不取著則无所知云何天尊說言如法而不取著我今衆中不識宗本不了空相不了一切唯願

天尊降垂辯釋爾時

天尊答海空智藏言善男子汝善知時知我  
欲說汝則諮問真人童子修捨心時修智慧  
時則得无為常住安樂住於真空平等法地  
不可思議微妙之處如无上帝難可譬喻猶

月七

如大海如彼虛空善男子真人童子住空平  
等難勝之地則不見有父母兄弟親族知識  
姊妹兒息怨憎中人譬如虛空无有父母兄  
弟乃至无有衆生壽命一切諸法亦復如是  
其心平等多所利益如彼虛空何以故為行

功德善能修集諸空法故是內法空常樂我  
淨得无所畏是內法中雖有道性而是道性  
非外非內非无非有等无二正所以者何真  
性常住无變易故是名真人是名童子觀於  
內空內法空故觀一切法本性皆空无常苦

樂淨不淨者是名法空以法空故故名空空  
善男子十方真人一切童子常於是中通達  
少分猶如微塵何況餘人善男子真人童子  
觀是空門是空非空則得住於虛空法地善  
男子我今於大衆中說如是等諸空義時有

百千萬真人童子即得住於虛空法地善男子  
真人童子住是地已於一切法中无有滯  
礙繫縛拘執心无迷悶常得自在清淨解脫  
以是因緣是名虛空清淨法地善男子海空  
智藏譬如虛空於可愛色不生貪著不愛色

月七

二

中不生瞋恚真人童子住是地中亦復如是  
於一切法中示見知行若是若是因緣若果  
非緣若因若果若是根性若果精思若是大  
乘若善知識若持淨戒若多所施如是等法  
一切知見无上解脫甚深所行智慧第一見

諸衆生行諸非法必墮地獄无量苦惱如諸  
衆生從地獄出生於人中若能行施乃至具  
足是諸所施是人必得入正解脫是名爲知  
海空智藏真人童子復有亦見亦知云何爲  
見見常无常見淨不淨見我无我知諸神尊  
定不畢竟入於生死知神尊身金剛不壞非  
是煩惱所成就身又非臭穢腐敗之身亦復  
能知一切衆生悉有道性善男子知是衆生  
心信成就知是衆生求於大乘是人從流此  
人非流是人正住知是生時已到彼岸住於

大乘得法深味得法宗本得正解脫修梵行  
心以淨天眼見諸衆生造身口意姦淫盜取  
三業不善墮於地獄畜生餓鬼塗炭難忍風  
刀往還見諸衆生修善業行勇猛精進命中  
當生天上人中見諸衆生從闇入闇昏塞迷  
悶有諸衆生從闇入明體識知見有諸衆生  
從明入闇捨真入僞有諸衆生從明入明善  
男子若惡業成就或因貪欲瞋恚愚癡是業  
必應地獄受報如是之人直以修戒行此事  
時不墮地獄懺悔發露所有諸惡既悔之後

更不敢作慙愧成就故以一心供養三寶以  
是因緣不墮地獄罪交報者所謂頭痛腹痛  
目痛背痛橫羅死殃呵責罵辱鞭杖閉擊饑  
餓困苦所求不能所作不成種種愁惱非是  
一端受如是等无量苦惱見在交報真人童  
子金光童子乃見是人不知因緣不能懺悔  
不自思惟不自呵責不生慙愧无有怖懼是  
罪增長地獄受報解脫何期長夜冥冥辛苦  
還往見諸衆生皆有道性爲諸煩惱之所覆  
蔽不能得見猶如闇夜所見不了所謂世間



文字言語或男或女車輿瓶器宅舍城邑衣裳飲食山海林木衆生壽命是名所見聖人所有微妙之說无男无女乃至林木知所惠施供養平等知於精進知於受者因果報者真人童子知有八衆法本功德即是天尊五德所知是形如之明了善男子善女人真人童子能得如是四无礙法能隨諸法所立名字所謂真人童子凡所演說无有障礙不可動轉无所畏者難可摧伏善男子是名真人於一法中作種種名經无量劫說終不盡善

男子一切凡夫取著於色乃至著識以著色  
故則生貪心故為色繫縛乃至為識之所繫  
縛故不得免生老病死憂悲愁苦一切煩惱  
善男子以是因緣我為弟子因緣中說繫著  
者名為魔鬼纏繞其身直畢一身終不能脫  
若不戀著則脫魔鬼亦如世間行罪之人為  
官枷械无罪之人官不加械真人童子亦得  
如是有為著者魔自繞身為之无者魔鬼遠  
之常生自在真人童子而无所著

爾時海空智藏白天尊言是臣今者譬如妙

鐸數數修理得種種味臣亦如是從道數聞  
多得法味所謂法味離諸欲味得寂泊味得  
真道味大哀天尊譬如真金數數打時鎔銷  
鍊冶轉更明淨調和柔軟光色微妙其價難  
量然後乃爲人天寶重天尊亦復如是鄭重  
諮問則得聞見甚深法藏令深信者受持奉  
修无量衆生發无上道心然後爲諸人天所  
宗恭敬供養爾時

天尊讚智藏言善哉善哉真人童子无爲上  
智爲欲利益諸衆生故諮啓上道如是深義

善男子以是之故我隨汝意演說大乘智慧  
甚深秘密寶藏所謂極愛如一子也爾時  
天尊復告海空智藏深得法味第一妙行功  
德无量如此之子歎未曾有而說偈曰

海空智藏一切不定假攝衆生

月七

五

可不是空實性五塵從何得有

不得不空如此之事亦非虛謬

非有顛倒謂有患累是生邪見

若不信空諸漏諸塵從何而有

即隋常計若其今有云何得生

為是緣生

為是寄生

為无因生

為是共生

等既无生

故知非有

不可思惟

汝今得為

无極德王

无今无古

无去无來

无思无想

无憎无愛

不生不滅

降伏勞怨

顯正治邪

摧諸外道

滅一切見

名體深妙

不可定求

神用難思

无有定相

了諸法空

海空智藏

能修之子

神照深遠

知我玄妙

真實不動

得无畏力

得不思議

能知古始

是謂道紀

未解今解

道之種子

所以者何

天尊智慧

不可量極

微妙之義

深遠難識

強為其相

惠行難思

應現諸法

何以能得

一切衆生

深著四邪

亂諸花色

不了不識

專行貪婬

不行四等

分別虛空

終不能得

歸根復命

住海空道

安樂其心

海空智藏

汝等當知

靜有二種

一者有靜

想念思惟

常念淨行

一乘海空

二者空靜

思念如海

常念淨行

即存守一

次以入空

得空道門

方得玄原

了究竟靜

即靜諸分

盡有歸空

亦空於靜

亦靜諸法

如是演說

理空真空

所以者何

以諸衆生

本无自澄

妄起分別

致成流浪

沉迷苦趣

是男是女

若能不生

種種邪見

了相邪空

即歸復命

得成道子

安穩其心

入海空藏

觀諸法空

月七

六

海空智藏

汝及今衆

爲不能曉

故須演說

今說是言

爲當來世

若利法子

虛靜還源

成我弟子

既靜且常

得道常存

巖然不動

海空智藏

汝今知不

云何上道

微妙之身

不久於世

本无起動

亦无去來

以爲衆生

故現生滅

真道大慈

常无棄捨

何現生滅

以爲衆生

不能常住

深憐深愍

不可思議

心念衆生

如母愛子



衆生生死

故現生死

上道无親

唯是善人

勸發衆生

宜加安慰

以其軟語

令解調伏

尋道根本

莫起邪眼

莫思惡想

絕滅一切

種種諸累

行心常淨

念不返道

知是等事

我今結戒

不宜不說

若能念行

至无上道

故現諸法

滅化之德

汝等當知

心行為身

四得成就

若男若女

執行若邪

鬪競之事

殺害姦淫

種種起惡

猶如毒蛇

失真實理

尋真男女

莫生是事

得无是已

悟彼真源

非法男女

論茲生死

未近道地

福緣日遠

惡緣日臻

當行正念

必自當得

清淨解脫

无爲自在

善男善女

行此事時

寬裕爲心

除捨四惡

急疾憂惱

莫生誇競

起疑惑心

行大功德

作无礙心

發一切心

若男若女

源斯妙本

行此念時

念念不退

是我真子

有道之人  
常行上行  
不處四惡  
不行邪欲  
不行一切  
種種邪見  
不見所有  
不見所无  
念道求法  
心發大願  
作大功德  
今是大衆  
亦當令汝  
身得高妙  
真正童子  
得不思議  
上道徧知  
幽念弘普  
念來衆生  
行時當得  
長大妙本  
智慧具足  
有想无想  
最大智慧  
真常不變  
汝即今衆  
不生惡疾  
行此道時  
上德之子  
衆相具足

解了空有

解此念時

必其念道

得入妙行

自在如意

為他演說

一乘海空

祕密寶藏

海空智藏

知此等法

无有底藏

思惟演說

其義有五

一者善行

思念一切

幽冥之處

皆得光明

无為妙相

二者善說

心意柔輒

无有彼我

三者常願

勸人發心

念求勝力

去遠惡道

行无畏力

四者至意

了斷諸惑

不生疑網

常存妙事

得法深味

終日不竭

一切衆生

皆受度脫

五者正意

結種種願

心爲男女

未見未聞

悉得聞知

當得作道

行此事時

入功德海

无爲會道

一心發念

无量因緣

无爲之果

成道名字

无礙解脫

是名御物

三行三德

三復歸一

行解一緣

捨有爲心

發无爲心

冲虛若辱

不違尊德

思念三寶

无時暫捨

終不悔意

與子冥扶

心行圓滿

具足成道

无復染滯

汝等當知

是大經典

流通世間

若有見聞

无量因緣

善男善女

依事修行

行四等行

心念歡喜

有行之者

正入无為

第一之子

不退因緣

一切衆生

有為之弊

煩惱之患

終日聚積

既復得已

不盈于久

煩惱之患

空喪身命

而无所得

无所得耶

有何所得

了不得耶

智藏當知

其意復七

一者智德

念念是心

行入不退

所行常靜

二者行解

思道出家

常得法味

精進堅固

三者顯利

承接衆生

令得離苦

常聞道法

四者利用

思念聖人

善多方便

饒益一切

五者智慧

真人童子

得大神力

悉從道成

六者得力

一切衆生

承道出世

得无所畏

七者德滿

神通自在

去來往返

无所罣礙

故有斯妙

用爲法力

濟度來生

若善男子

能得解脫

了說言實

識法宗本

入道因緣

我所念處

所以者何

上道无底

深妙難思

不存不亡

不終不始

永存无盡

能用之行

萬物歸之

天下皆往

應用深遠

安樂道場

不可思惟

其意百千

其玄甚深

无量底藏

善功化物

感應真實

无边无限

示現方便

度脫生死

大乘所行

小智所用

不假不實



不无不有

无為不為

如是勝功

四用无盡

今說如是

无量因緣

道不可有

又不可無

一道智力

平等一切

若有衆生

能除疑網

煩惱根斷

是我弟子

終始道真

月七

十

轉入法輪

形魂並一

真為妙身

由如石花

變成金玉

既成真已

但有妙相

不見麤質

捨衆生體

別得法身

麤去妙來

而成正道

始捨故敗

更得新堅

无因无果

悉從願來

爾時天尊說是偈已一切時衆得不思議真  
實上行決了真偽第一所行玄妙无極當爾  
之時有百千萬億真仙道士而在座中修持  
正法已成无量具足六通轉入妙真无為之  
品不可思議无上正真難可譬喻上德之真  
應現十方无量之形徧諸國土承接衆生未  
常懈怠若善男子善女人當知求道及俗所  
行發種種心當得成道无上正真徧知諸法  
三界无怙唯道可恃虽无形相其相甚真其

名不去是真不動太清之中是我之源說是  
語時善男子一切衆生无不解了真人童子  
行上道時常勸衆生莫生怨想推直於人引  
曲向已无所爭競得壽命長所以者何善知  
因緣諸方便故欲令衆生種種善根

月七

十一

爾時復有下仙道士七十三人從西方來悉  
至座所其字名曰善心道士弘施道士捨愛  
道士善說道士普念道士信行道士常護道  
士惠明道士上相道士如是之衆不可悉記  
以為眷屬共來聞說俱在座中或發善行燒

香燃燈或離父母遠遊山林或投施人或捨  
妻子盡心苦行捨身智財調和音聲歌誦聖  
德一乘海空讚歎演說微妙經典種種所行  
盡意所爲以爲供養大哀天尊即於是時俱  
入一乘无礙解脫得不思議常得法輪入不  
退行常得法地安樂不動見海空城心觀諸  
法了解苦空无常无我常樂我淨既聞法已  
各率眷屬而還本土如是衆中復有知見妙  
理得法宗本三十六部真經辯了三相知見  
說言得道得果得因得緣无量妙通轉神入

定了无漏智善巧方便謂是大慈入空寂定  
不可思議如是衆中忽有一人即於座中說  
法要言甚深之義如是大衆各各勇猛歡喜  
无量有一人言是我今日能於尊所聽受解  
悟即悟當來未知未見我等即時百寶莊嚴  
廣大之座我於爾時心自歎言慙愧尊重所  
領要言終不能盡蒙今大衆令我演教不敢  
嘿然若不宣說所領之言即是祕法不尊上  
說即於其時講誦尊法所行妙事亦如我等  
如此衆中未聞未了皆得通解无量增益從

此發念俱獲正真金光之住仙童侍衛百千  
音樂種種化導普令常住無爲之果汝等今  
衆及未來世總除惡行而行正觀遠惡就善  
棄絕爲始捨樂求道是吾種子第一上行難  
思議也如是子身而不淨者變爲令淨我法

月七

十二

知身恒不淨者令了令淨若念是事真實之  
保亦非虛謬甚深行處過法緣了念念遷改  
轉麤成妙捨身受身爲真仙侶六根七支亦  
復如是成真得道正復如此衆生四邪爲魔  
所亂神離形死魂入幽牢受苦萬端五苦荼

毒解脫何期冥冥長夜何由解脫如是之事  
甚可怖畏思道出家遠去四邪若如是說復  
能行者是生快樂不說本有但明衆生能除  
五味亦復五色細滑之女情不戀著常執妙  
經无時暫捨恒如饑渴須得飲食愛重經寶  
如敬我身即當令汝更得解悟得无上力常  
住不動无極无上輪轉成就是修道行仙之  
導師大仙當說无不稽首真人現形无不稽  
首童子現形无不稽首天尊現形八國恭敬  
无不稽首十方聖人各各現形无不稽首仙

卿童子於此現形无不稽首一切虛空權假  
三界五陰无實三塗皆苦念念生滅諸法不  
住不退不轉勝因王子是名為樂常行清淨  
无礙解脫海空智藏復次學真道士功德累  
積不可思議真實法侶一隱一顯變化虛空

月七

十三

隨宜出處或生法地制頂王家甚大智力得  
无生乎成道名字入不退轉行入清淨五百  
劫中講說經法終日竟夜論說其義終不得  
盡汝等當知自此以去百千萬劫若有修者  
至无為處无想无思空惠入无不起諸想從



上至下稽首道足七十二相了見道意神智  
无量猶如虛空不可尋測復次王子捨身求  
道父母憐愍畏其馳走莊嚴臺沼處處堅牢  
莊一大戶名曰百重大法明門王子出時大  
王當知終不得密王子出已處處求覓心意  
迷悶四處馳走若為方法云何能得路逢五  
道大力鬼神正於其時因問之曰仁尊長者  
我欲求道我聞諸道嚴妙甚多我今問者心  
爲此也何道可從  
爾時五道大力鬼神俄然答曰我昔之時曾

經出家爲生疑網四魔亂我去失道本使我  
於此我非人也我今得聞示諸善惡汝今覓  
道我曾聞也无上正真但聞其名无量功德  
雖无形相其相湛然无礙上法真性不動其  
威廣大降伏勞怨應化无邊不可思議是道  
妙力爾時王子别言而去真心正念自然了  
法入道源流常得一味海空法地安穩不動  
了法不空亦不不空善男子海空智藏一切  
諸苦不可思議我觀諸天處處遊歷見有百  
姓男子女人人口面膿爛血臭流出頸如布綻

腹如懸鼓身負鐵杖口中銜火大小相牽流  
曳塗炭无復人形足踐鋒刀之上身負鐵杖  
痛不可負毒不可忍為之悲傷復見百姓男  
子女人牛頭獸身拔出其舌鐵錐刺之巨天  
力士鐵杖亂拷无有限數身无人形足立刀

月七

十四

山痛非可忍復見男女裸身无衣吞火食炭  
為火所燒頭面焦燎舉體爛壞頭戴鐵鑊足  
履火山復見百姓男子女人无大无小入鑊  
湯中身被煮潰百毒之汁以灌其上頭脚鑊  
械身負考掠幽閉重監不覩三光身形髡截

銀鐺鑊械負山擔石往返鐵針之上食息不  
得不捨晝夜身抱銅柱太山之獸噉食其肉  
於是道言其人何罪作何无道以致斯報是  
時三界飛天人言如此等輩種種罪人其人  
先身所行惡口赤舌鬪爭无所不為評論道  
德攻伐師主更相讒擊或殺害无道不念衆  
生酷虐為行心懷陰惡嫉妬勝已抑絕賢明  
作種種罪非可盡言致招今對諸苦備經萬  
劫當得還生非人之道其目如之道言可令  
此等諸苦男女開其心目悔其善惡令得調

伏以其軟語宜安慰之念其前行令思為善  
度入法輪重以勸戒使得更生還在人中解  
行功德修吾此道以解宿冤无邊罪源思行  
道行廣開法門建大功德諸行成就度入福  
門見大因緣无為之果更受滅度以致道真

月七

十五

爾時天尊而復偈曰

緣眼見一切 是人是非人 能造諸外色

各共以為親 心念此為樂 念思惟衆生

妄言多綺語 惡罵詈兩舌 貪慾瞋恚心

愚癡邪見著 多有盜殺淫 天神不敬貴

穢慢日月光

諸惡悉如是

種種行不善

鬼所滅身形

憍慢一切法

心不信真道

殺傷於出家

亦復善男子

求索於飲食

无有限端衣

橫作於无道

非法而所行

眾鬼所能疾

善神不守護

諸冤來集聚

爭欲滅其身

不能得老朽

喻如不穀花

聲色及五味

心意生戀著

一切信邪人

无有念道時

唯行不善法

實不可思議

汝等善男子

十方大地中

其處福德鄉

等无有障翳

其處福德鄉

所念无大小

度脫无量苦

如霜見毒熱

如此智慧力

无所罣礙著

著為諸天人

八在還復一

出入非有无

應化无边畔

无有分別心

有一切大智

度脫於衆生

是非一切等

不信因緣者

終劫見成敗

六根所結縛

不知解脫緣

千人萬衆中

時頗有一人

若有行念者

真是道種子

當發種種心

願達過去事

未來大因緣

无量善惡子

了解過去理

理在方便法

无量无边衆

大道境界中

能辯无礙事

能成就諸法

了解三德意

通達諸法相

无有遺滯處

心願樂行道

得聞无上事

衆聖說法言

當得巧言說

六行心能進

當願得清淨

能棄一切色

方等慈悲心

一切苦衆生

我是窮乏人

及於五道中

忍辱一切事

精進不穢法

思定不退轉

不生四邪意

念念是法輪

能忍受非法

我无有怨心

護德於世間

不欲人之欲

理容无有爭

遠去世煩惱

藏身幽靜處

不違負心口

行不違經戒

晝夜當行道

五食常菜中



雜食心不味

樂心松柏園

唯念餌衆藥

意不目邪視

種種无量苦

如此煩惱世

來世善女子

生世作諸惡

當墮大地獄

死趣五道中

命盡受報處

貌體抱銅柱

身手履刀山

永循劍樹中

因復入鑊湯

饑時吞食火

頭面盡焦然

天道人道中

无復有因緣

地獄中餓鬼

无量諸苦惱

永身常住中

來世男女人

不悟開度緣

精進求勝力

亡身是道場

如是經中說

甚深所行處

无有虛謬者

前劫今劫中

无有此言說 汝等宜敬心 必見希有事

爾時天尊說偈頌已復告海空智藏言善男  
子汝及今衆如此之事无量苦惱八難交橫  
種種荼毒甚可怖畏一切衆生不生道心不  
發道意不行四等顛倒非意永失因緣不遇

月七

十七

三寶不聞法要不聞法鼓不聞祕藏海空智  
藏得此事時於未來世善流布之未見未聞  
皆令解悟既解悟已入不退轉无爲大乘到  
長壽宮第一勝因難可譬喻

海空智藏從座而起足接道前五體投地喜

心悅豫心得虛餘我今聞說千萬劫中未有  
今日一言片偈於此言中我今聞受多得解  
悟須臾之間海空智藏得不思議復有無量  
無邊真善光相大智童子從空而來至于座  
所并欲增益智藏功德第一名曰普王上行  
童子三天真人上行童子太一上行童子四  
等妙光上行童子普行等王上行童子五眼  
通仙上行童子嚴淨月德上行童子六德普  
光上行童子日光寶積上行童子花光善業  
上行童子天王妙香上行童子妙斯等衆無

邊大士來至座所歡喜讚歎稽首尊足  
爾時有无色界天子從下方來其字名曰皓  
庭霄度國天帝王子淵通元洞國天帝王子  
翰寵妙成國天帝王子秀樂禁上國天帝王  
子是等輩四方天子聞是妙音而各率領國  
人男女善信聽法一乘海空秘密寶藏雖有  
男女无有交接去來往返自在如意无復情  
欲來至我所人身長大思聞今者希有之說  
甚深之法得轉法地无礙之處解脫清淨去  
來往返得合道真

爾時復有色界天子從下方來其字名曰虛  
无越衡天帝王子太極濛翳天帝王子赤明  
和陽天帝王子玄明恭華天帝王子曜明宗  
飄天帝王子竺落皇笏天帝王子虛明堂耀  
天帝王子觀明端靖天帝王子玄明恭慶天

月七

十六

帝王子太煥極瑤天帝王子元載孔昇天帝  
王子太安皇崖天帝王子顯定極風天帝王  
子始黃孝芒天帝王子太皇翁重天帝王子  
无思江由天帝王子上揲阮樂天帝王子无  
極曇誓天帝王子如是國人及其臣子來至

我所隨時而說真上智力是國恭敬作无礙  
法作大法幢不可思議聞是妙事得散香結  
永斷邪慾无復煩惱不入生死千毒之中

爾時復有欲界天子亦復俱來其名字曰皇  
曾天子玉完天子何童天子平育天子元明

天子摩夷天子其國人民多不具足无量苦  
惱沉淪生死愛憎別離冤家惡殺不可思議  
若有至心聞道所在不計遠近我今為說一  
乘海空秘密寶藏度諸國人隨緣高下次第  
令悟俱不退轉悉得安樂羣臣吏民普得無

礙安樂道場今說諸法常以一味令諸世間  
漸次修行皆得道果爾時天尊而復偈曰

海空智藏

道之為大

不可比量

天地四海

不足為譬

不終不始

真一妙理

不增不減

无因无學

月七

十九

无今无古

大道无為

淵不可測

以為衆生

常有去來

雖有去來

而无去來

不可思議

玄宗微妙

汝等眷屬

澹泊一心

思念於道

无上正真

和同苦樂

空有非空

海空智藏

无上仙人

永斷疑網

如拔毒箭

得无所畏

天尊今說

為衆分別

一切時衆

无不稽首

來世衆生

莫起四邪

若男若女

捨身求道

不存有身

息除所欲

正心道場

絕滅緣想

无所從來

若行深法

則无患也

當得智慧

金剛功德

一切大衆

普行道事

得王師子

大慈譬喻

靈寶惠觀

念度无量

加益莊嚴

若行念已



破惡怖魔

勞怨降伏

常樂我淨

得无畏力

善男善女

如是之事

不緣生色

識是名者

不見於色

五陰清淨

故常无穢

清淨解脫

一切諸法

是因緣生

亦无二相

思念无量

无極神智

用為尊敬

解行出家

則真解脫

所謂行者

如地如山

如眼如雲

如父如母

一切諸法

亦復如是

令无傾動

是名解行

真人童子

種種演說

亦无有足

樂說无礙

无量百千

无数劫中

說辭說義

終不能盡

男女之子

千世劫中

修行世法

以修行故

如法无礙

復於无量

百千萬劫

修集論說

故得樂說

月七

二十

真人童子

為度衆生

故修如是

四无礙法

无礙之智

中士之人

修寂靜法

志樂獨處

若化衆生

但見神通

終日嘿然

无所演說

究竟清淨

海空智藏

智慧第一

仙卿童子

神通第一

如此之事

其亦不等

本有今无

本无今有

古今有法

是則云然

今當為汝

重敷演之

廣分別說

善男女人

現在具有

諸煩惱結

本有父母

和合之身

是故現在

无有金剛

微妙法身

我昔本有

无常无我

无樂无淨

以有无常

无我无樂

无淨諸樂

故見在无

无上道心

以不見故

无常樂淨

若有道士

若其說言

若其不說

若男若女

若人說言

天尊上道

去來自在

无常妙樂

是我淨者

无有是處

以是事故

見在不能

破壞四魔

見在无有

畢竟定空

於一切法

則有著心

若我弟子

以有鈍根

不能演說

一乘之法

本无利根

人中王象

妙行真人

以无我根

真人等也

隨宜方便

開示三乘

一切學人

說言上道

去來見在

畢竟演說

无爲是處

隨時方便

則爲說之

若使衆生

不得如是

第一緣者

神尊妙道

終无有說

无所得耶

爾時海空智藏得斯妙事心開意解悉皆了

了身得廣大七十二相八十一好无有根底

亦无有智藏甚深微妙无爲上力不勝歡喜

而說偈曰

太慈愍衆生

故今我歸依

善拔衆毒箭

故稱大醫王

世醫所療治

雖差還復生

天尊所治者 畢竟不復生 天尊甘露藥

以施於衆生 衆生既服已 不生亦不死

天尊今為我 演說大智慧 衆生聞祕藏

即得不生滅 身心俱安穩 了見海空城

海空智藏說 是偈已重白道言天尊今者所

說一切世間不知不覺見真人悉能知見覺

者若使真人是世間者不得說言世間不知

不知不覺如是真人能知見覺若非世間有

何異相復次善男子言真人者亦是世間亦

非世間汝言真人有異何者汝且消息我當

為汝當更演說且待須臾別說其意非是今日究竟窮言能盡其意即告於汝當一一分別甚深道本汝當解悟等一因緣於是海空智藏及諸眾會各禮一拜奉辭而退

太上一乘海空智藏經卷之七

